



Inuit Pisinnaatitaaffiit Kalaallit Nunaata Siunnersuisoqatigiiv  
Grønlands Råd for Menneskerettigheder

## **Inuit Pisinnaatitaaffiit Kalaallit Nunaata Siunnersuisoqatigiivi – Siunnersuisoqatigiit 14. april 2016-imi ataatsimiinnerannit imaqarniliaq**

Sumiiffik: Hotel Hans Egede, Nuuk

Siunnersuisoqatigiinnit ilaasortat nakkutilliisullu peqataasut:

Inge Olsvig Brandt (Naligiissitaanermut Siunnersuisoqatigiit), Ludvig Larsen (SIK), Anita Hoffer (Kalaallit Nunaanni Sulisitsisut Peqatigiiffiat), Bodil Karlshøj (Transparency International Greenland), Annemette N. Lauritsen (Ilisimatusarfik), Lise Mørup Dalsgaard (Grønlandske Advokater), Aqqaluk Lyngø (ICC), Loritha Henriksen (Utoqqaat Peqatigiiffiat), Trine Nørby Olesen (MIO), Juaannaanguaq Jensen (Fartato Olsen-imut sinniisi, Kalaallit Nunaanni Illersuisut Peqatigiiffiat), Krissie Winberg (Charlotte Bæk Risbjerg-imut sinniisi, NanuBørn), Henrik Bach (Ombudsmandi), Thomas Wiemann (KANUKOKA), Nukajaraq Blytmand (Innarluutillit Peqatigiiffiat) (oqarasuaatikkut)

Siunnersuisoqatigiinnit ilaasortat takkunniaratik nalunaartut:

Leif Fontaine (KNAPK), Søren Thestrup (Ilaqtariinnermut, Naligiissitaanermut Isumaginninnermullu Naalakkersuisoqarfik), Sørak sinnerlugu ilaasortaq

Peqataasut allat:

Inaluk Brandt (avataanit siunnersorti), Signe Eberhard Trykker (allatsi), Juaaka Lyberth (pulaarti), Christoffer Badse (Inuit Pisinnaatitaaffii pillugit Sullissivik), Mandana Zarreparvar (Inuit Pisinnaatitaaffii pillugit Sullissivik), Kalaallit Nunaanni inatsisitigut isumannaassuseq pillugu Eqqartuussissuserisut Siunnersuisoqatigiivisa suleqatigiissitaannit peqataatit

### **1. Tikilluaqqusineq**

Inuit Pisinnaatitaaffiit Kalaallit Nunaata Siunnersuisoqatigiivi – Grønlands Råd for Menneskerettigheder

1

Postboks 1290 – 3900 Nuuk

info@humanrights.gl – tlf: 34 66 79

www.humanrights.gl

Siulittaasup Inge Olsvig Brandt-ip siunnersuisoqatigiinni ilaasortat tikilluaqquai, tamaasalu siunnersuisoqatigiinni ataatsimiilluarnissaannik kissaallugit.

## **2. Ilaasortanik nutaanik ilisarititsineq**

Siunnersuisoqatigiinni ilaasortat nutaat peqataasullu allat nutaat ilisartinneqarput:

- Thomas Wiemann KANUKOKA sinnerlugu ilaasortanngorpoq.
- Juaannaanguaq Jensen Kalaallit Nunaanni Illersuisut Peqatigiiffiannit Fartato Olsen sinnerlugu takkupoq.
- Aqqaluk Lynge ICC sinnerlugu ilaasortanngorpoq.
- Signe Eberhard Trykker Pinngortitamut, Avatangiisinut Inatsisinillu Atuutsitsinermut Naalackersuisoqarfimmiit siunnersuisoqatigiinnut allatsinngorpoq
- Inaluk Brandt siunnersuisoqatigiinnut avataaniit siunnersortitut atorfinippoq.

## **3. Siunnersuisoqatigiinnut ilaasortat immikkoorlutik ilisimatitsissutaat**

Siunnersuisoqatigiinni ilaasortat aaqqissuussaanerni suliaqarfigisaminni inuit pisinnaatitaaffii pillugit suliatik pillugit naatsumik nassuiaapput. Ataatsimut isigalugu aaqqissuussaanerni suliaqarluarput, kisiannili inuit pisinnaatitaaffiik suliaqarnerminni ajornartorsiutinik unammilligassanillu amerlasuunik naapitaqartarput.

Siunnersuisoqatigiinni ilaasortat Juaaka Lyberth-ip naapertuilluarnerup guutia arnaq, siunnersuisoqatigiinni inuit pisinnaatitaaffiik suliaqarnermut isumassarsiorfissatut saqqummiussinera nuannaraat.

## **4. Kingullermiit pisimasunik siulittaasup saqqummiussinera**

Siulittaasoq Inge Olsvig Brandt kingullermik siunnersuisoqatigiit ataatsimiinnerannit pisimasut pingaarnerit pillugit nalunaaruteqarpoq. Siulittaasoq ilaatigut siunnersuisoqatigiinnut ininik nutaanik ujarlernermi suliat, siunnersuisoqatigiinni suleqatigiissitat killiffii, Inuit Pisinnaatitaaffii pilugit



Sullissiviup aamma Namminersorlutik Oqartussat suleqatigineqarnerat, kiisalu siunnersuisoqatigiit attaveqaqateqarnermut suliniutaat pillugit saqqummiussivoq.

Avataaniit siunnersorti Inaluk Brandt siunnersuisoqatigiit attaveqaqateqarnissamut pilersaarutaa nutaaq nittartagaalu, filminik titartakkanik saqqummiussiviusoq pillugit ilisarititsivoq.

## **5. Oqallisissiaq**

Siunnersuisoqatigiit suleqatigiissitat pilersinneqartut pitsaaqutaat ajoqutaallu oqallisigaat. Ilaatigut suleqatigiissitat siunnersuisoqatigiit suliaannut pitsaasumik akuleruttartut, aammalu aallartinnissamut kajumissaarilluartartut erseqqissaatigineqarpoq. Kisiannili ilaasortat nunami imminnut ungasillutik najugaqarnerat suleqatigiissitanut unammillernartuusarpoq, aammalu nammineq kajumissutsimik suliaqarnerunissamut piffissakillioortoqarsinnaavoq, ajornartorsiutillu siunnersuisoqatigiinni amerlanerusunut oqallisiginissaat pisariaqarsinnaavoq.

Siunnessami siunnersuisoqatigiit ukiumut marloriarlutik ataatsimiittarneri marlunnik ilaneqassasut siulittaasoq siunnersuuteqarpoq. Taamaalilluni 2016-imi katillugit pingasoriarluni ataatsimiittoqassaaq, aammalu 2017-imi sisamariarluni ataatsimiittoqassalluni. Tamanna siunnersuisoqatigiinni taparserneqarpoq, kisiannili immikkoortoq ullup tulliani 2016-imut missingersuutit oqallisigineqarnissaannut kinguartinneqarpoq.

## **6. Eqqartuussissuserisut Siunnersuisoqatigiit**

Eqqartuussissuserisut Siunnersuisoqatigiit suleqatigiissitamik, Kalaallit Nunaanni inatsisitigut isumannaassutsimik misissuisussamik pilersitsisimapput. Tamatumunnga atatillugu Inuit Pisinnaatitaaffiit Kalaallit Nunaata Siunnersuisoqatigiivini isumassarsiorfiginiarlugit pulaarput. Eqqartuussissuserisut Siunnersuisoqatigiivisa suleqatigiissitaannit peqataapput: Torben, Martin Lavesen (Eqqartuussissuserisut Siunnersuisoqatigiit), Jens Klokkholdt (Eqqartuussissuserisut Siunnersuisoqatigiit), Christoffer Badse (IMR), Nicolai Pii (Advokatsamfundet), Iben Windsløv (Eqqartuussissuserisut Siunnersuisoqatigiit).



Siunnersuisoqatigiinnut ilaasortat ilaatigut eqqartuussiveqarnermi sulisunik ilinniarsimasunik amigaateqartoqarnera, eqqartuussisut arnat amerlanerunerat aammalu inatsisinik pissarsisinnaanerup amigaateqarnera pillugu ajornartorsiuteqartoqarnera suleqatigiissitamat erseqqissaatigaat. Tamatuma saniatigut Kalaallit Nunaanni pissutsit immikkut ittuunerisa eqqarsaatigineqartarnissaata pingaaruteqarnera siunnersuisoqatigiinnit erseqqissaatigineqarpoq.

### **7. Inuit Pisinnaatitaaffii pillugit sullissivimmumut paasissutissat**

Inuit Pisinnaatitaaffii pillugit sullissivimmi nakkutilliinermut pisortaq Christoffer Badse sullissiviup Kalaallit Nunaanni inuit pisinnaatitaaffii pillugit suliai aammalu siunnersuisoqatigiinnik suleqateqarneq pillugu oqaluttuarpoq, taakkunungalu ilaapput:

- IMR Inatsisartunut 2014-15-imut nassuiaammik suliaqarpoq, taannalu siunnersuisoqatigiinnut tusarniaassutigineqassaaq.
- IMR siunnersuisoqatigiillu innarluutilinnut isumaqatigiissut malillugu innarluutillit pisinnaatitaaffii pillugit suleqatigiissapput.
- 2016-imi Kalaallit Nunaanni inuit pisinnaatitaaffiini killiffiit pillugit nalunaarusiaq suliarineqarpoq.
- IMR-ip nunami pinngortitamilu isumalluutininik atuisinnaatitaaneq pillugu siunnersuisoqatigiit saaffiginnissutaat suliaraa.
- IMR Danmarkimi kalaallit naligiimmik pineqarnissaat pillugu nalunaarusiorsimavoq, taannalu siunnersuisoqatigiinni inuit ikinnerussuteqartut pillugit oqallinnermut tunngavigineqarpoq.

Siulittaasup Inge Olsvig Brandt-ip najuuttut tamaasa ulloq atorluagartik pillugu qutsavigai.

## **Ulloq 15. april 2016 siunnersuisoqatigiit ataatsimiinnerannit aalajangikkat pillugit imaqarniliaq**

<b>Ulloq</b>	15. april 2016
<b>Piffik</b>	HHE, Nuuk
<b>Qulequtaq</b>	Inuit Pisinnaatitaaffiit Kalaallit Nunaata Siunnersuisoqatigiivi (IPKNS)

### **Siunnersuisoqatigiinni ilaasortat najuuttut**

Bodil Karlshøj (Transparency International Greenland),  
Inge Olsvig Brandt (IPKNS), siulittaasoq  
Lise Mørup Dalsgaard (Eqqartuussissuserisut Kalaallit),  
Ludvig Larsen (SIK), siulittaasup tullia  
Juaannanguaq Jensen (Nunatsinni Illersuisut Peqatigiiffiat),  
Loritha Henriksen (Utoqqaat Peqatigiiffiat),  
Anne Mette Nyborg Lauritsen (Ilisimatusarfik),  
Trine Nørby Olesen (Meeqqat Pisinnaatitaaffiit Sullissivik MIO),  
Aqqaluk Lynge (ICC),  
Anita Hoffer (GE),  
Katrine Hjelholt Nathanielsen (Meeqqat Inuunerissut, MIBB),  
Thomas Wiemann (KANUKOKA)  
Vera Leth (Inatsisartut Ombudsmandiat)

**Najuussinnaanngitsoq** Krissie Berthelsen (NanuBørn),

**Peqataasut allat** Christoffer Badse (Institut for Menneskerettigheder, IMR),  
Mandana Zarrehparvar (IMR),  
Camilla Østbirk (Avatangiisinut Pinngortitamullu  
Naalakkersuisoqarfik)

**Imaqarniliortoq** Anita Hoffer (GE)



**1) Siulittaasup Inge Olsvig Brandt tikilluaqqusinera**

Siulittaasooq Inge Olsvig Brandt ataatsimiinnermut tikilluaqqusivoq.

**2) Imaqarniliortussamik toqqaaneq**

Siunnersuisoqatigiit Anita Hoffer imaqarniliortussatut toqqaarpat.

**3) Ullormut oqaluuserisassat akuerineqarnerat**

Ullormut oqaluuserisassat akuerineqarput.

**4) Imaqarniliap akuersissutigineqarnera**

Siunnersuisoqatigiit ataatsimiinnerannit kingullermit imaqarniliaq akuersissutigineqarpoq.

**5) Siunnersuisoqatigiit sulineranik naliliineq**

Siulittaasup siunnersuisoqatigiit suliai pillugit nalunaarutini tusaatissatut tiguneqartoq saqqummiuppaa.

Siunnersuisoqatigiit ullormi 14. april katersuunneranni Siunnersuisoqatigiit siunissami aqqissugaanerat immikkoortumi 7-imi missingersuutit pillugit oqallinnermi eqqartorneqassaaq, tassunga ilanngullugu Siunnersuisoqatigiit sulinissaanni tunngavissat.

Ataatsimoortumik aningaasaliissutit pillugit nalunaarutiginninneq

**6) 2015-imi naatsorsuutit kukkunersiorneqarsimasut akuersissutiginerat**

Siunnersuisoqatigiit Aningaasanut Inatsit aqputigalugu aningaasaliiffigineqartarpoq, aningaasat taakkua Siunnersuisoqatigiit kissaataat naapertorlugu atorineqartarput. Aningaasartuutit sumut atorineqarnerat akuliuffigalugu Naalakkersuisoqarfik aningaasaliissutinik isumaginnittarlunilu nalunaarsuisarpoq. Taassuma saniatigut Naalakkersuisoqarfiup siorna pisimanermisut atuisimanermut allattorsimaffik ilusilersorsimavaa.

Siunnersuisoqatigiit naatsorsuutiit ujartorpat tamatumunngalu ilutigitillugu aningaasartuutit/isertitat ataasiakkaarlugit missingersuutini ittutut allattorsimaffiat.

Naalakkersuisoqarfiup neqeroorutigisaa naatsorsuutinik suliarinnittussaatur pisussaaffeqavinnersoq imaluunniit pisussaaffiit aningaasartuutinik nalunaarsuinerminnersut, Siunnersuisoqatigiit paaserusuppaa.



Atuinnermut tunngatillugu allattorsimasut tusaatissatut tiguneqarput. Siunnersuisoqatigiinni ilaasortat atuinnermut allattorsimaffik missingersuutit agguataarsimanerattut ittup nassiunneqartarnissaa qinnutigaat. Naatsorsuutit kukkunersiorneqartarnissaannut Naalakkersuisoqarfik kukkunersiuisumit neqeroorummik piumassaaq.

2015-imi aningaasat atugassat sinneruttut ima paasineqarput Siunnersuisoqatigiit kissaatigisamittut naammattumik sulinissaminnut periarfissaqanngitsut.

### **7) 2016-imut missingersuutit**

Ukiumut marloriarluni siunnersuisoqatigiit ataatsimiittarnerisa saniatigut suli marloriarluni ataatsimiittarnissaaq (siunnersuisoqatigiit ataatsimiittarnissaat) Siulittaasoqarfiup siunnersuutigaa. Taasilluni siunissami ukiumut sisamariarluni ataatsimiittoqartassaaq. 2016-imi suli ataasiarluni ataatsimiittoqarnissaa siunnersuutigineqarpoq. Tamatumunnga tunngatillugu siunnersuut nassiunneqarsimavoq, tassunga ilanngullugu ullut ataatsimiiffissatut siunnersuutigineqartut. Taamaasilluni missingersuutini kr. 50.000-it ataatsimoortumik aningaasaliissutinit 2016-imi ataatsimiinnissat allat saniatigut ataatsimiinnisamut nuunneqarsimapput.

Siulittaasoqarfiup siunnersuutaa Siunnersuisoqatigiit aammaarlutik sulinissamut atugassarititanut naammaginangitsunut tulluussarniarsarinerannut ersiutaasutut isigineqarpoq. Siunnersuisoqatigiit Inatsisartunut Siunnersuisoqatigiit suliassaminnut tunngaviusut maanna piusut uagutsinnut tunniunneqarsimasut tunngavigalugit sulisinnaannginnerput aammalu Siunnersuisoqatigiinnut naatsorsuutigineqartut kivinneqarsinnaanngitsut siunnersuutigineqarpoq. Siunnersuisoqatigiit piffissap ingerlanerani ataatsimiinnerit tamaasa Siunnersuisoqatigiit sulinerata siuariartornissaata qulakkeerneqarnissaani aqqissuussaaneq eqqartortarpaat. Kisianni ajoraluartumik Siunnersuisoqatigiit taamaasillutik piffissaq tamatumunnga kisiat Siunnersuisoqatigiit kissaativat naapertornagu atortarpaat – tassalu Nunatsinni inuit pisinnaatitaaffiit pitsanngorsaaneq.

Siunnersuisoqatigiit Siulittaasup sulinera nersualaarussuppaat Siunnersuisoqatigiillu isumaqarput siuariartunnginnerpullu Siulittaasup siuariartortitsinianninneranik peqquteqanngitsaq. Paarlattuanik Siunnersuisoqatigiit isumaqarput, Siulittaasoq annertoorujussuarmik iliuuseqartoq.



Ukioq mannamut missingersuusiortoqassasoq aammali siunissami missingersuutit qanoq isikkoqartariaqarnerannik kissaatit siunnersuuteqartoqarpoq. Siulittaasoqarfiup Siunnersuisoqatigiinnilu ilaasortat saniatigut ilaasortat allat ataatsimoorlutik suleqatigiissitami kingusinnerusukkut allakkatigut akuerisassanngorlugit nassiussuunneqartussanik misissuataarillu arnerunissaq tassunga atatillugu oqaatigineqarpoq. Siunnersuisoqatigiit siulittaasuata sulisariaqarnera pisariaqarmat Siulittaasup akissarsiassai, siulittaasup tulliaata akissarsiassai kiisalu allattoqarfimmi AC-fuldmægtigip ataatsip akissarsiassai missingersuutinut ilanngunneqassasut siunnersuutigineqarpoq.

Siunnersuisoqatigiit sulinissaminut piumasaqaatit qanoq isumaqarfigissallugit eqqartussallugit Siunnersuisoqatigiit aalajangerpaat.

2017-imut missingersuutinik piviusorsioortunik Siunnersuisoqatigiit tunniussinissaat kiisalu tamatumunnga atatillugu Aningaasanut Inatsisissap suliarineqarnissaata utaqqimaarneqarnissaa siunnersuutigineqarpoq. Tamanna ilassilluarneqarsinnaanngippat, Siunnersuisoqatigiit tamanna tunngavigalugu kinguneqartitsisariaqarsinnaapput. Tamatumunnga uiggiullugu Naalakkersuisunut Inatsisartunullu Siunnersuisoqatigiit inatsisit tunngavigalugit suliassai sulinermi tunngavissarititaasut tunngavigalugit kivinneqarsinnaanngitsut pillugit erseqqissarneqarnissaat kissaatigineqarpoq.

Tunuarnissaq Naalakkersuisunit kukkunertut kiisalu sunniuteqarnerup kissaatigisap anguneqarsinnaannginneranik kukkusumik paasineqarsinnaanera eqqartorneqarpoq.

Siunnersuisoqatigiit sulinerminni atugassarititaasut oqimaatsut iliuuseqarfiginissaat aaqinniassallugit periarfissat tamaavimmik misilinneqarsimanerat apeqqutigineqarpoq. Siunnersuisoqatigiit ima pingaaruteqartigisutut isigineqarput, tunuarneq suliamut iluaqutaanani ajoqutaasinnaanerusutut isigineqassalluni.

Siunnersuisoqatigiit pituttorsimanginnissami qulakkeerneqarnissaa qanoq angusinnaanera pisariaqartinneqartoq nalunaarutigineqarpoq tamannalu anguneqassappat Siunnersuisoqatigiit Naalakkersuisoqarfimmit ikiorserneqartarunnaartariaqarput.

Siunnersuisoqatigiit inatsisitigut suliassat uagutsinnut tunniunneqarnikut naammassineqarsinnaannginnerat Siunnersuisoqatigiit pitsaanerusumik





nalunaarutigisariaqarpaa. Siunnersuisoqatigiit taassuma saniatigut inatsisiliortunut erseqqissartariaqarpaat inuit pisinnaatitaaffiisa inatsisini nutaani tamani annertunerujussuarmik ilaatinneqarnissaat pisariaqartinneqartoq.

Siulittaasoqarfiup allallu (Bodilip, Aqqaluup, Lisep) suleqatigiissitamut 2016-imut missingersuutitut aamma 2017-imut missingersuutissamut nutaamut Siunnersuisoqatigiit suleriaasiannut pitsanngorsaataasussanut siunnersuusiornissaat aalajangiunneqarpoq. Taakku tamarmik Siunnersuisoqatigiinnut allakkatigut akuerisassanngorlugit nassiunneqassapput.

### **8) Siunnersuisoqatigiinnik naliliineq**

UPA 2015-mi imm. 35-kkut siunnersuutigineqartoq tunngavigalugu, Naalakkersuisut Siunnersuisoqatigiit 2017-imi nalilersorneqarnissaat maannakkumut siuartinneqarnissaa nalunaarutigineqarpoq. Siunnersuisoqatigiit Siulittaasuannit aamma IMR-imit siunnersuuteqarneq tunngavigalugu nalilersuisusaaq toqqarneqarpoq. Siunnersuutit marluk tigoreernerini Als Researchip atorneqarnissaa Naalakkersuisoqarfiup aalajangerpaa. Nalilersuineq naammassippat Siunnersuisoqatigiinnut IMR-imullu tusarniaassutigineqassaaq. Nalilersuinissami tunngavigineqartussat Inatsisartunit Naalakkersuisunik nalilersuinissamik peqqusinikkut aalajangerneqarpoq.

Inuit Pisinnaatitaaffiit Kalaallit Nunaata Siunnersuisoqatigiivi pillugit inatsimmi Siunnersuisoqatigiit iluminni ingerlatsinermik aqqissuussaanermillu nalilersuisussat nalunaarusiamik ulloq 1. juli 2017 suliaqartussaapput. Nalunaarusiaq taanna ukiut marlukkaarlugit suliareqqinneqartassaaq. Taamaattumik nalilersuinerup siuartinneqarneranik oqalunneq paatsoornerusimassaaq.

Siunnersuisoqatigiit nalilersuinerat pillugu ilisimatitsissut tusaatissatut tiguneqarpoq.

### **9) IMR-imi siulersuisut sulinerat**

Trine Nørby Olesen IMR'ip siulersuisuini Siunnersuisoqatigiit sinniisaat suliat pillugit ilisimatitsivoq. Tallimariarluni ataatsimiittoqarsimavoq.

IMR-imi nutaamik siulittaasoqalersimavoq - Dorte Svendsen, taassumalu ilaatigut siulersuisut ataatsimiinnerisa akornganni sulinerunissaq siunniussimavaa.

IMR'ip siulersuisuisa siulersuisuni ilaasortat arfinilinniit pingasunut ikilineqarnissaat eqqartorsimavaat. Tamatuma siunnersuisoqatigiit IMR'ip siulersuisuiniinnera



kalluassanngilaa. Siulersuisuni ilaasortat ikilineqarnissaat isumaqatigineqanngilaq. IMR'ip siulersuisuisa ataatsimiinnerannit imaqarniliat IMR'ip internetikkut nittartagaaniipput. Kalaallit Nunaat pillugu periusissiaaraq aamma IMR'ip internetikkut nittartagaaniittoq piuvoq.

IMR'ip Kalaallit Nunaannut tunngatillugu suliaanut maannakkut 1 million kruunit missaanniittut atorineqartarput suliallu pingaartinneqarnera TNO'p misigaa.

TNO'p IMR'ip siulittaasuanut ataatsimiinnernut ornigulluni peqataasariaqannginnerminut periarfissaq eqqartorsimavaa. Siulersuisunullu siulittaasup paasinninnera naapertorlugu, Siunnersuisoqatigiinni sinniisoq ornigulluni peqataasariaqarpoq. Taassuma saniatigut sinniisup misigaa, Kalaallit Nunaat pillugu suliat ataatsimiinnerit avataasigut pisartut, taamaattumillu ataatsimiinnernut peqataaneq naleqarluni.

Nalunaarutiginninneq tusaatissatut tiguneqarpoq.

#### **10) 2016-mut killiffik pillugu nalunaarut**

IMR'ip 2016-imi suliaminik killiffini pillugu nalunaarusiaq saqqummiuppaa. Kapitalit ilaat Kalaallit Nunaanni Naatsorsueqqissaartarfimmit ilanngunneqartussat amigaataapput taakkualu ilanngunneqareerunik nalunaarusiaq tusarniaassutigineqassaaq.

Kapitalit tamarmik nutaamik immikkoortortalerneqarsimapput inuttut pisinnaatitaaffiup ineriartorneranik taaguutilimmik, tassanilu 2014-imi killiffik pillugu nalunaarusiami inassutigineqarsimasut suut suliarineqarsimanerat pillugu malitseqartinneqartarput.

Ingerlaqqinnissaq:

- IPKNS-imit 15. april kapitalit suliarineqareersut pillugit ilanngussat.
- IPKNS-imit kapitalit sinneruttut pillugit maajip aallartinnerani ilanngussassat.
- Maj-juunimi killiffik pillugu nalunaarutip ataatsimoortup missingiutaata suliarineqarnissaa.
- Juuni-juulimi nutserineq.
- Nalunaarut ataatsimoortoq tamakkiisoq aggustimi tusarniaassutigineqassaaq.
- Nalunaarusiaq septembarimi naammassineqassaaq.



- Oktoberi isikkussaa suliarineqarlunilu naqinneqassaaq.
- Novembarimi ilasseqatigiissitsinikkut kikkunnut tamanut saqqummiussineq.

Killiffik pillugu nalunaarut Kalaallit Nunaanni inuit pisinnaatitaaffiisa nakkutiginissaannut sakkuuvoq. Nalunaarut IMR'ip aamma IPKNS'ip suleqatigiinnerisigut saqqummersinneqassaaq. Kapitali ataaseq IMR'ip kisimiilluni inassuteqaataanik imaqarpoq. Inassuteqaatit tamarmik suliarineqarnissaminut maleruassallugit aallaaveqassanersut apeqqutigineqarpoq. Isumaqatigiinnngitsoqarpat, tamannarpiaq pillugu eqqartuinissaq soqutiginarujusussuussaaq.

Ataatsimoorluni kapitalit eqqartornissaat isumaqatigiissutigineqarpoq Siunnersuisoqatigiillu kapitalit tigumasai oqaaseqaateqarfigineqarput (Eqikkaaneq kiisalu Kalaallit Nunaanni innuttaasut aamma Namminersorlutik Oqartussat kisimik pinnagit).

## **11) Ataatsimiinnissaq tulleeq/ataatsimiinnissat tulliit**

## **12) Tamalaat**